

國家圖書館藏歷史檔案文獻叢刊

鹽務檔案

第 1 冊

全國圖書館文獻縮微複製中心

国家图书馆藏历史档案文献丛刊

责任编辑 姜亚沙

盐务档案（全二册）

原书藏者	国家图书馆
出版者	全国图书馆文献缩微复制中心 （北京文津街七号）
印刷者	三河潮河印刷厂
发行者	新华书店北京发行所
印刷日期	二〇〇四年七月
印数	一—六〇
定价	七〇〇元

未经授权 不得翻印

出版說明

鹽，是人們生活的必需品，同時也是封建財政的利藪。一些有識之士甚至明確指出：『裕國豐財，莫如鹽法』。因此說，鹽務在中國古代國家機器中占有舉足輕重的地位。國家圖書館所藏《鹽務檔案》，是不可多得的一套研究由清道光至光緒年間清政府鹽務的第一手珍貴資料。

《鹽務檔案》內容跨道光、同治、光緒三朝，涉及長蘆、兩淮、兩湖、兩廣、四川、山東、福建、河南等地。時至晚清，或遭兵燹，或因私利，鹽務廢弛，私鹽遍地，積弊甚深。為擺脫困境，朝野上下開始着手清理積弊。該書即真實記載了這一時段有關具體鹽務的奏摺。其中有相當數量的鹽務變通章程，還有在四川鹽務方面有突出成績的丁寶楨的係列摺片，以及琦善、張青選、張之洞等邊疆大吏的奏摺。

本書的出版，將為晚清的鹽務研究提供極其寶貴的文獻資料。

編者

二〇〇四年五月

(一)

鹽
法
門

未

道光元年

臣孫玉庭臣延豐跪

奏為遵

旨查明恭摺覆

奏仰祈

聖鑒事竊臣等於上年十二月十八日承准軍機大臣字寄嘉慶二

十五年十二月初六日奉

上諭孫玉庭等奏停止淮南北口岸鹽斤加價一摺據稱辦理鹽務
減價乃可敵私銷引方能裕課今因加價而鹽不能銷不如

勿加而銷鹽較暢請將現在淮南北綱食北岸加賣鹽三厘
按照從前停止楚西餘息之例自辛巳綱起均予停止此後可
令專心趕辦課賦于食課兩有裨益等語鹽斤加價有妨正
課民食該督等所奏自係是在情形朕此時不難降旨允准
第思此項加價餘息即概行停止在課款不過少入數十萬兩
恐所減之價仍不敵私鹽之賤既不能敵私則引鹽仍不
能暢銷正課仍不能足額于國帑民食兩無裨益現在鹽
法敝壞其致敝之由必仍有故著孫玉庭延豐等再行通

盤籌畫期每歲引課永遠年清年款毫無短絀務得正本清源之道行之日久俾鹽法日有起色漸復舊規不致又議加增果能如此該督等切實奏陳再奏請停止加價朕必不吝准行也將此諭知孫玉庭並傳諭廷豐知之欽此臣等跪讀之下

仰見

皇上洞悉艱務情形于裕課足食之中務求經久無弊之意感服欽佩莫可名言伏查兩淮正襍課賦歲征八百餘萬果能年清年款自然

國用充裕惟歷年以來漸形短絀寔由鹽法敝壞所致向來
講求鹽務者止知補救于目前從未推尋其源本因是竭
蹙廢弛日甚一日今荷

聖明洞鑒令求致敝之由寔釜底抽薪之策臣等体察情形悉
心籌酌謹當一一據寔為我

皇上陳之查兩淮現在疲敝之端有四一日引積過多現屆辛巳
新年淮南已外綱食尚有未運四十餘萬引庚辰一綱甫經
請運十餘萬引不及年額十分之一淮北曾經奏饒庚辰一

綱而已外戊寅以前殘引未運未銷尚有四十餘萬皆緣十餘年來口岸行銷均止八九分每年積壓一二三分不等是以淮南銳銷庚午一綱分帶戊寅一綱淮北融銷淮南五十萬引分帶乙亥丙子四十萬引而現仍積壓如此引積即致課懸今欲設法疏通惟有運新銳舊而銳引賠課最為累商當此帶款積重勢難再議加帶不得不丙午仍辦甲綱之監戊午始解乙綱之課前綱未清後綱又積此積引之一弊也一日庫儲過絀查運庫課從引出引既積壓課即稽遲

正課按綱報解襍項按年支銷每遇銳銷一綱之盈正課分一年賠納襍款先須籌墊加以歷年捐款頻仍以致帶既重借墊又多新舊糾纏庫儲空虛一遇餉需緊急籌解催納脩極周章此庫絀之一弊也一日成本過重查商人揭本運益本屬貿易常經買賤賣貴始占餘息從前成本尚輕獲利較厚是以商多設定屆今數十餘年生齒日繁百物加貴一切人工物料在在增昂成本遞重勢所必至加以節次捐帶各項逐年增添成本愈重商累益深此本

重之一弊也。一日商力過乏。查兩淮額引一百六十餘萬道。必須有數千萬之資本。始充轉輸。轉運向來南北均係一年兩運。轉輸既捷。兩運裕如。近則岸銷疲滯。甚有遲至半年月方有回課。商本既重虧折已多。轉運稽遲更耗月利。兼遇撥解河工緊餉。庫儲無可支應。不得不令商人墊納。各商既應攢辦運鹽。又須趕納課項。而岸課不能及時收回。勢處急迫。不得不重利借貸。以應急需。因之竭蹶。時形或漸歸消乏。或撤本另圖。現僅數十商辦運。

支絀異常此商乏之一弊也凡此四弊勢是相因惟其引
壅庫絀因致本重商乏而推其所以引壅庫絀之故總由
私鹽充斥所致今欲救此弊壞之甚惟在疎銷積引而欲
求疎引之策惟在杜絕私侵惟是鹽筭為瀕海自然之
利羨民牟利奸計百出推求源本亦有數端一由場灶透
漏灶丁以鹽為業日夕辛勤僅敷口食鹽交商垣已不若
售私之價近年商運漸少場鹽堆積鹽商無力收買灶戶
有鹽莫售斷不肯枵腹守法是以從前官鹽暢銷尚可

稽禁遠漏今則垣慮灶戶滋事欲禁不能而梟徒乘機
收買分運江湖江廣皖豫咸受其害一由于鹽船之影射
查淮北每年只七八九三箇月于鹽開開放之時發一次歷
涉五撥十積偷爬固不待言淮南終年發運乃通聚百十里
場河中多高仰夏秋稍早即難運船欲在在稽遲儀征運鹽
之河為江湖挾沙所壅幾成平陸藉洲捆運曠野難稽以致
儀揚梟徒收場屯各船及洲地拋撒之鹽轉運出江四處充
斥而江廣鹽船又因到岸守輪動須經年所得水腳無多